

**ERRENTA MAILA TXIKIA DUTEN FAMILIA-UNITATE
BERANGOZTARREK HIRI ONDASUN HIGIEZINEN GAINKO
ZERGA (OHZ) ETA ZARAMA BILKETA NAHIZ
ESTOLDAGATIKO TASAK ORDAINTZEKO
LAGUNTZAK EMATEKO ARAUAK**

1. artikulua.-Helburua

Arau hauen bidez, arautu egin nahi da zein baldintzatan eta nola emango zaizkien familia unitateei ohiko etxebizitzaren Hiri Ondasun Higiezinaren gaineko Zerga (OHZ) eta zarama bilketa eta estolda zerbitzuengatikoko tasak ordaintzeko diru laguntzak. Laguntzok jasotzeko, ondoko artikuluetan ezartzen diren baldintzak bete beharko dira.

2. artikulua.-Laguntzak emateko irizpideak eta baldintzak

Laguntza hauen xedea da errenta maila txikia izan eta krisi ekonomikoak ukitutako pertsonen eta familia unitateen, langabeen, pentsiodunen, LGS, SBE eta antzekoak... jasotzen dutenek udal zergak ordaintzen laguntzea, pertsona eta familia horiek gizartean baztertua geratzeko arriskurik izan ez dezaten.

2.1. Finantza daitezkeen kontzeptuak:

Hona hemen finantza daitezkeen kontzeptuak:

1. Ondasun Higiezinaren gaineko Zerga; gehienez ere, dagokion zenbatekoaren %75.
2. Zarama bilketa eta estolderiagatikoko tasak; gehienez ere, urteko ordainagirien %50.

Artikulu honetako 1. eta 2. kontzeptuak bateragarriak dira, eta hortaz, kontzeptu biengatik eska liteke laguntza.

2.2. Hartzaileak:

Pertsona eta familia unitate onuradunek ondoko baldintza hauek bete beharko dituzte:

- a) Berangon erroldatuta egotea: eskatzaileek, diru laguntza eskatzen

duten unean, gutxienez 12 hilabeteko antzintasuna izan beharko dute erroldan.

b) Egoera hauetako batean sartuta egotea:

- Langabezia.
- Gizarte Segurantzako edozein erregimenetako pentsioduna izatea.
- Lanean egotea, lanbidearteko gutxieneko soldataren adinako errentak jasota.
- Sarrerak Bermatzeko Errentaren jasotzaileak.
- Oro har, nahikoa diru baliabide dutenek ezin izango dute eskatu.

Baldin eta familia unitatearen diru sarrera guztien baturak oinarri hauetako 6. artikuluan ezarritako mugak gainditzen baditu, inola ere ez da eskatutako prestaziorik emango.

c) Hiri Ondasun Higiezinaren gaineko Zergaren eta zarama bilketa eta estalderiagatiko tasen zergaduna izatea, bai etxebizitzaren jabea izateagatik, bai maizterra izateagatik, betiere errentamendu kontratuan zarama bilketa eta estalderiagatiko tasak maizterrak ordaindu beharra ezartzen bada.

Etxebizitza irabazpidezko ondasuna bada, baldintzak betetzen dituen edozein ezkontidek eskatu ahal izango du laguntza, zergaren udal erroldako ordainagiriaren titularra izan ez arren. Eta, halakoetan, diruz lagunduko da ordaindu behar denaren zati proportzionala.

Era berean, etxebizitza berean maizter bat baino gehiago dagoenean, eskatzaileak ordaindu behar duen zati proportzionalari egokituko zaio diru laguntza.

d) Diru laguntza eskatzen zaion higiezinaz beste higiezin baten jabea ez izatea. Ondorio horietarako, ez dira kontuan hartuko ez trastelekua ez eskariaren xede den etxebizitzaren eraikin berean dagoen ibilgailu garajea.

e) Familia unitatearen gehienezko ondare erabilgarriak (dirua, tituluak, aseguruak, baloreak, ibilgailuak edo beste jabetza batzuk)

ezingo du izan legokiokeen diru sarrerak bermatzeko errentaren urteko gehienezko zenbatekoaren lau halakotik gorakoa, hau da:

- Kide bat: 29.395,68.

- Bi kide: 37.746,72.

- Hiru kide edo gehiago: 41.755,68.

f) Laguntza eskarian agertutako helbidean benetan bizi zena. Helbide horrek bat egin beharko du laguntzaren xede diren ordainagiritan agertzen denarekin.

g) Kontzeptu berberengatik eta epe berean diru laguntzak jasota ez izatea.

Etxebizitzan benetan bizi diren pertsonen multzoa familia unitatetzat joko da. Egoera hori biztanleen udal erroldaren egiaztagiraren bidez ziurtatuko da.

3. artikulua.-Bateragarritasuna

3.1. Beste erakunde batzuek helburu berberarekin emandako laguntzak ez dira bateragarriak orain arautzen diren hauekin.

3.2. Horretarako, kontzeptu berbererako eskatutako edo emandako laguntza guztien berri eman beharko dute interesatuek, eskaria egiten den unean bertan. Betebehar horrek bere hartan jarraituko du harik eta prozedura ebatzi arte.

4. artikulua.-Eskariak eta aurkeztu beharreko dokumentazioa

A) Eskariak aurkezteko epea: Eskariak azaroaren 15etik 30era bitartean aurkeztuko dira.

B) Eskariak aurkezteko lekua: Eskariak Berangoko Udalan aurkeztuko dira. Hori, hala ere, ez da eragozpen izango Herri Administrazioen Araubide Juridiko eta Administrazio Prozedura Erkideari buruzko azaroaren 26ko 30/1992 Legearen 38.4 artikuluan ezartzen denerako.

Herri Administrazioen Araubide Juridiko eta Administrazio Prozedura Erkideari buruzko azaroaren 26ko 30/1992 Legearen 70. artikuluan

ezarritako baldintzak betetzen ez baditu eskariak, edo oinarri hauen arabera eskatzekoa den dokumentazioa aurkezten ez bada, interesatuak 10 eguneko epea izango du hutsa zuzentzeko edo nahitaezko dokumentuak aurkezteko, eta adieraziko zaio ezen, horrela egiten ez badu, eskarian atzera egin duela ulertuko dela, betiere ebazpena eman ondoren.

C) Eskariarekin batera aurkeztu beharreko dokumentazioa:

1. Lanbide enplegu zerbitzuak emandako ziurtagiria: horren bidez egiaztatuko da, batetik, langabea edo SBEn jasotzailea dela, eta, bestetik, jasotzen dituen prestazioen zenbatekoa. Pentsioduna bada interesatua, berriz, Gizarte Segurantzaren, Muface edo horrelakoen erregimenetako batean sartuta dagoela egiaztatu beharko du, eskatzailearen eta familia unitateko gainerako kideen pentsioaren zenbatekoa zein den adierazita.

2. Eskatzailearen eta familia unitateko gainerako kideen azken errenta-aitorpena; edo aitortpena aurkezteko beharrik ez duela egiaztatzen duen agiria.

3. Abian den urteko zarama bilketa eta estoldagatikotako tasen ordainagiriaren fotokopia (otsail, maiatz, abuztu eta azaroko ordainagiriarena) eta Ondasun Higiezinaren gaineko Zergaren ordainagiriaren fotokopia.

4. Laguntzaren onuradun gertatzekotan, laguntza kobratzeko kontu zenbakia. Araudi honen I. eranskinean jasotzen den hirugarrenaren fitxa bete beharko da.

5. Laguntza hauen xede diren tributuak ordaindu behar dituzten maizterren alokairu kontratuaren fotokopia. Kontratu horretan jasota agertuko dira maizterrek bere gain hartutako betebeharrak.

6. Familia unitateko kide guztien ondasunen egiaztagiria, estatuko ogasunak eta foru ogasunak emanda.

7. Familia unitateko kide guztien ondasunen egiaztagiria, jatorri herrialdeak emanda, hala badagokio.

8. Familia unitateko kide guztiak identifikatzeko agirien fotokopia, hala badagokio.

9. Banantze epaia eta hitzarmen arau emailea.

10. Diruz lagundu beharreko aldiko nominen fotokopia, familia unitateko kide guztiei dagokiena.

11. Diruz lagundu beharreko aldiko lan bizitzaren egiaztageria, familia unitateko kide guztiei dagokiena.

12. Diruz lagundu beharreko aldiko diru, titulu, aseguru, balore eta bestelako banku produktuen banku egiaztageria, familia unitateko kide guztiei dagokiena.

13. Bidezkoztat jotzen den beste edozein dokumentazio osagarri.

Laguntzaren eskatzaileek eta familia unitateko gainerako kideek -diru sarrerak dituztenek- baimena eman beharko diote Berangoko Udalari beren gaitasun ekonomikoa zehaztu eta egiaztatzeko beharrezkoa den informazioa, dagokion erakundearen bidez, edozein administrazio publikori eskatzeko.

5. artikulua.-Diru laguntza emateko prozedura

Berangoko Udaleko errentak eta ordainarazpen Sailak kontrastatu eta izapidetuko dituzte eskariak.

6. artikulua.-Balorazio irizpideak

a) Familia unitatearen hileko diru sarrera garbiak: Eskatzaileari dagozkion diru sarreren %100 hartuko da aintzat, eta horri gehituko zaio familia unitateko gainerako kideen diru sarreren %50. Ondorio hauetarako, eskatzailetzat hartuko da familia unitatean diru sarrerarik handiena duen kidea.

Ordaindu behar dutenak familia unitateko kide bat baino gehiago badira, horien diru sarreren %100 hartuko da aintzat, eta horri gehituko zaio ordaindu beharrik ez duten gainerako kideen %50.

Berangoko Udaleko errentak eta ordainarazpen Sailak izango da organo instruktorea.

Diru laguntza emateko prozedurak bat egingo du Berangoko Udalak indarrean duen diru laguntza ordenantza orokorrarekin.

b) Familia unitateko kideen kopurua. Familien kide kopuruak eta diru sarrerak ezberdinak direnez batetik bestera, familiak ekitatez tratatzeko, kide kopuruaren arabera zuzengarri bat aplikatuko da. Ikusi taula:

Kide kopurua	Zuzengarria	LGS-rekiko diru-sarrerak (14 hilekotan)
1	1,20	769,87
2	1,30	833,82
3	1,40	897,96
4	1,50	962,10
5	1,60	1.026,24

Kide kopuruaren arabera erreferentziazko diru sarrerak gainditzen dituzten eskatzaileek ez dute laguntzarik jasotzeko eskubiderik izango.

7. artikulua.-Aurrekontua

Programa honen bitartez deitutako laguntzen zenbatekoa eskari urteko udal aurrekontuan jasotzen den zenbatekoa izango da. Eta, OHZ laguntzak eta zarama bilketa eta estolderiagatiko tasen laguntzak ordaintzeko, dagozkion kontu sailak sortuko dira.

Baldin eta diru laguntza hartzeko eskubidea izanda eskatzen diren laguntzen zenbateko osoak aurrekontuetan jasotako zenbatekoa gainditzen badu, zuzengarri bat aplikatuko da, jaso eta onartutako eskari guztiei erantzun ahal izateko.

8. artikulua.-Laguntzak ukatzeko arrazoiak

Osorik beteta ez dauden eskariak, gezurrezko eskariak edo datuen ezkutaketa arrazoia izango dira laguntza ukatzeko.

9. artikulua.-Eskariak ebaztea

Alkatetzak emandako dekretu bidez ebatziko dira eskariak.

10. artikulua.-Ordainketa

Organo eskudunak prozedura ebatzi ondoren, ordaindu egingo da laguntza, eta horretarako, diru sarrera egingo da onuradunak emandako kontu zenbakian.

AZKEN XEDAPENA

Testu osoa «Bizkaiko Aldizkari Ofizialean» argitaratu eta hurrengo egunetik zenbatuta, hamaseigarren egun baliodunean sartuko da indarrean ordenantza hau.

Berangon, 2013ko otsailaren 7an. -Alkateak, María Isabel Landa Gaubeka

I. ERANSKINA

HIRUGARRENAREN FITXA

Mugimendu mota

- Berria.
- Aldaketa.

Datu pertsonalak

1. Izen abizenak.....
2. Kalea.....
Zbkia.....
Herria.....
Lurraldea.....
Posta kodea.....
Telefonoa.....
3. N.A.N./N.I.F.....

Sinadura

Data

Banketxearen datuak

Banketxea.....Kodea.....
Bulegoa.....Kodea.....
Kontu zbkia.

Banketxearen sigilua

Data